



# Protection visa

Senisim toktok long ol **Protection visas**

**Wanpela Protection visa (sabklas 866) em i bilong ol trupela asailem sika husat i bungim trupela hevi o taim nogut insait long kantri bilong ol.**

Gavman bilong Australia nau i givim **fri ligel edvais** long ol manmeri husat i tingting long aplai long wanpela Protection visa. Dispela edvais bai helpim ol lain i laik aplai long painimaut sapos ol i ken kisim dispela visa, na daunim sans bilong ol manmeri long yusim ol maigresen edvaisa husat i no rejista na i ken givim edvais we i no stret.

**Dispela infomesen pepa i givim ol nambawan bikipela infomesen na ol impoten tok save i go long ol lain husat i tingting long aplai long wanpela Protection visa.**

## Wanem em ol trupela infomesen?



Ol Protection visa em i bilong ol **trupela asailem sika**. Ol i no bilong ol lain husat i laik stap long Australia na wok.



Pasin bilong givim giaman infomesen insait long wanpela Protection visa aplikesen i ken mekim yu i **go long kalabus na baim bikipela fain mani**



Sapos Protection visa aplikesen bilong yu em ol i tok nogat long en, em bai hat long yu o famili bilong yu **long kam bek long Australia**



Everij namba bilong ol Protection visa we ol i tok nogat long en em i **antap long 85%**



Ol lain we i aplai long ol Protection visa na i kam long Pasifik na Timor Leste em namba bilong tok nogat long ol em i antap tru. Long planti bilong ol dispela kantri, moa long 90% bilong aplikesen we gavman ofis i mekim disisen long 2023-24 **em ol i no bin ol rikwaimen na gavman i bin tok nogat long ol.**



**Noken** larim sampela lain i aplai long Protection visa long yu taim yu no klia gut long wanem samting yu wok long aplai long en na wanem infomesen ol i wok long givim



**Yu mas** sekim na lukim olsem olgeta samting insait long aplikesen bilong yu e mi tru, maski sapos narapelalain i helpim yu long putim infomesen insait long aplikesen

## Ol lain husat i inap long kisim dispela visa

Ol Protection visas em i bilong ol manmeri (o ol famili memba bilong ol) **husat i ken bungim wanpela trupela bikipela hevi** sapos ol i go bek long kantri bilong ol o ol i gat bikipela sans long bungim taim nogut bikos long:

- reis
- lotu
- kantri
- ol i pat bilong wanpela grup
- ol i gat wanpela kain tingting long disisen bilong gavmn

## Infomesen we i no stret

I gat planti infomesen we i no stret long ol Protection visas we i wok long go aut long ol manmeri we i stap insait long Australia na long narapela kantri, we i ken kamapim **bikipela hevi** long ol lain i aplai long Protection visa long ol yet na long ol famili bilong ol

Ol Protection visas em i bilong ol trupela asailem sika. **Ol i no** bilong ol manmeri husat i laik long stap longpela taim insait long Australia. Planti bilong ol nupela lain i aplai long Protection visa em ol i kisim disisen long **spit we i 8-pela taim moa** long ol yia i go pinis.

## Pasin bilong givim giaman o kranki infomesen

Em impoten long klia gut olsem sapos yu givim ol giaman dokumen o kranki infomesen insait long wanpela Protection visa aplikesen, yu ken baim **bikipela fain mani** na go **kalabus klostu 10-pela yia**.

## Sapos ol i tok nogat long yu long wanpela Protection visa

Sapos Protection visa aplikesen bilong yu em ol i tok nogat long en na yu no holim wanpela visa we i ektiv, **yu bai nid long lusim Australia**. Sapos yu nogat wanpela visa we i ektiv, ol **Australian Border Force (Boda Fos bilong Australia)** bai holimpasim yu na kalabusim yu na rausim yu long Australia.



# Protection visa

## Senisim toktok long ol Protection visas

Noken aplai long wanpela Protection visa sapos yu no kisim [free legal advice](#) we i kam long wanpela speselis refuji na imaigresen ligel provaida.



### Ol samting long tingim

- Kisim [free legal advice](#) i kam long ol speselis refuji na imaigresen ligel provaida insait long kantri na teritori bilong yu
- Long painimaut **moa infomesen** long ol Protection visas, go long [homeaffairs.gov.au/protection](https://homeaffairs.gov.au/protection)
- Painim wanpela **maigresen ejen we i rejista pinis** long sekim na lukim olsem imaigresen edvais bilong yu em i bihainim lo taim yu lukim [Ofis bilong ol Maigresen Ejen Rejistresen Atoriti \(OMARA\)](#)
- Banisim yu yet na komyuniti bilong yu. **Ripotim ol maigresen edvaisa husat i no rejista.** Haitim nem bilong yu na toktok long [\(Australia Boda Was\)](#)
- Painimaut sapos **ol narapela visa opsen** i gutpela long yu, lukim [Visa Finder webpage](#) long websait bilong Home Affairs

## Ol samting we i bai kamap taim ol i tok nogat long wanpela aplikesen

Wanpela Protection visa we ol i tok nogat long en insait long Australia **bai stap long imaigresen rekod bilong yu**, na dispel i ken mekim hat long yu na famili bilong yu long visitim Australia long bihaintaim. Em i ken mekim imek long ol narapela visa aplikesen bilong yu long bihaintaim i go long ol narapela kantri long graun, na dispela em i dipen long wanem kain visa yu aplai long en. Gavaman bai i no inap larim yu long aplai long planti narapela visa taim yu stap insait long Australia.

## Ol maigresen ejen

Insait long Australia, ol maigresen ejen i mas rejista wantaim [Ofis bilong Maigresen Rejistresen Atoriti \(OMARA\)](#). Yu ken visitim dispela websait long **sekim sapos wanpela ejen em i bin rejista pinis.**

Em i **tambu** long wanpela man o meri long sasim kost bilong imaigresen edvais sapos em i no wanpela rejista maigresen ejen o em i no wanpela loya insait long Australia. Pasin bilong baim edvais i kam long wanpela man o meri husat i no bin rejista olsem wanpela maigresen ejen o i no wanpela loya bilong Australia bai mekim na yu bai kisim infomesen we i no stret. **Dispela i ken mekim na yu bai no inap gat sans long stap** insait long Australia.

Ol maigresen edvaisa we i no rejista em planti taim, ol i save edvetaisim ol sevis bilong ol long sosol mida na insait long ol online chat grup. Sampela taim ol i save tokim ol lain i aplai, long givim giaman o kranki infomesen o givim giaman pepawok taim ol i aplai long wanpela Protection visa, na **sampela i save sasim planti mani** long dispela rong edvais.

Sapos sampela lain i traim long givim yu imaigresen edvais we i no bihainim lo, yu ken tokim mipela taim yu yusim [Border Watch Online Report](#) (Boda Was Onlain Ripot).

## Wok bilong ol komyuniti

Ol komyuniti we i stap insait long Australia i gat impoten wok long mekim long **stopim kranki infomesen long spred** i go long ol lain husat i laik aplai long wanpela Protection visa, na ol lain long komyuniti i mas tokim ol lain i laik aplai olsem wanpela **Protection visa em i no wanpela wok visa.**

Ol komyuniti i ken helpim long spredim awenes long ol samting nogut we i **ken kamap taim ol lain i givim giaman o kranki infomesen** insait long wanpela Protection visa aplikesen, na wok wantaim wanpela maigresen edvaisa husat i no rejista.

Sapos wanpela man o meri i wok long aplai long wanpela Protection visa i askim yu long raitim wanpela sapot leta bilong ol, orait yu mas raitim dispela leta sapos yu bilip olsem dispela man o meri em i wanpela **trupela asailem sika** we i ken bungim bikipela bagarap o ol i gat bikipela sans bilong stap insait long pen na hevi sapos ol i go bek long kantri bilong ol.

Tokim dispela man o meri long kisim [free legal advice](#) i kam long wanpela **speselis refuji na imaigresen** provaida insait long kantri o teritori bilong ol.

